

THE DĀTHĀVAMSA.

NAMO TASSA BHAGAVATO ARAHATO SAMMASĀMBUDDHASSA.

PAṬHAMO PARICCHEDO.

- 1 Visāradam vādapathātivattinam
tilokapajjotam asayhasāhinam
asesañeyyāvaraṇappahāyinam
namāmi satthāram anantagocaram
- 2 Tilokanāthappabhavam bhayāpahaṃ
visuddhavijjācaraṇehi sevitam
papañcasaññojanabandhanacchidam
namāmi dhammam nipuṇam sududdasam
- 3 Pasādam attena pi yattha paṇino
phusanti dukkhakkhayam accutam padam
tam āhuneyyam susamāhitindriyam
namāmi saṅgham munirājasāvakaṃ
- 4 Vibhūsayam Kāḷakanāgaranvayam
Parakkamo kāruṇiko camūpati
gavesamāno jinasāsanassa yo
virūlhim atthañ ca janassa patthayam
- 5 Sudhāmayūkhāmalapaṇḍuvaṃsajam
virūlhasaddham munirājasāsane
piyamvadam nītipathānuvattinam
sadā pajānam janikaṃ va mātaram

- 6 Piyam parakkantibhujassa rājino
mahesim accunnatabuddhisampadam
vidhāya Līlāvatim icchitatthadam
asesalankātalaraḷjalakkhiyam
- 7 Kumāram ārādhita-sādhumantinam
mahādayam Paṇḍunarindavamsajam
vidhāya saddham Madhurindanāmakam
susikkhitam pāvacane kalāsu ca
- 8 Narindasuññam suciran ti-Sīhalam
itippatitam ayasam apānudi
ciram paṇītena ca cīvarādīnā
susaññate samyamino atappayi
- 9 Ciraṭṭhitim pāvacanassa icchatā
kataññunā vikkamabuddhisālīnā
satīmatā candimabandhukittinā
sagāravam ten' abhiyācīto aham
- 10 Sadesabhāsāya kavīhi Sīhale
katam pi vamsam jinadantadhātuyā
niruttiyā Māgadhikāya vuddhiyā
karomi dīpantaravāsīnam api
- 11 Jino yam iddhe Amaravhaye pure
kadāci hutvāna Sumedhanāmako
savoredaṅgavibhāgakovido
mahaddhane vippakulamhi mānavo
- 12 Aham hi jātivyaśanena pīlito
jarābhībhūto maraṇena otthaṭo
sivam padam jātijarādīnissatam
gavessayissam ti raho vicintiya
- 13 Anekasaṅkham dhanadhaññasampadam
paṭiṭṭhapetvā kapaṇesu duccajam
anappake pemabharānubandhino
vihāya mitte ca sute ca bandhave
- 14 Pahāya kāme nikhile manorame
gharābhīnikkhamma Himācalantike
mahīdharam Dhammikanāmavissutam
upecca nānātarurājībhūsitam
- 15 Manonukūle surarājanimite
asammigānam agatimhi assame

- nivatthacīro ajinakkhipaṃ vahaṃ
 jaṭādharo tāpasavesam aggahi
 16 Susaṅṅatatto parimāritindriyo ¹
 phalāphalādihi pavattayaṃ tanuṃ
 gato abhiññāsu ca pāraṃ vaṣi
 taḥiṃ samāpattisukhaṃ avindi so
 17 Susajjite Rammaṃpurādhivāsina
 mahājanen' attamanena añjase
 pathappadese abhiyantam attano
 anitṭhite yeva Sumedhatāpaso
 18 Agādhañeyyodadhipāradassināṃ
 bhavantaṃ nibbanathaṃ ² vināyakaṃ
 anekakhīṇāsavalakhasevitaṃ
 kadāci Dīpaṅkarabuddham addasa
 19 Tato sasaṅghassa tilokabhadduno
 pariccajivāna tanuṃ pi jīvitaṃ
 pasārayitvāna jaṭājinādikaṃ
 vidhāya setuṃ tanuṃ eva pallale
 20 Anakkamitvā kalalaṃ mahādayo
 sabhikkhuko gacchatu piṭṭhiyā iti
 adhiṭṭhahitvāna nipannaṃ taḥiṃ
 anātham etaṃ ti-bhavaṃ samekhiya
 21 Dayāya saṅcoditamānaso jane
 bhavaṇṇavā uddharitaṃ dukhaddite
 akāsi sambodhipadassa pattiya
 mahābhinihāram udaggavikkamo
 22 Atho viditvā vasino tam āsayāṃ
 adāsi so vyākaraṇaṃ mahāmuni
 tato puraṃ taḥi Tathāgate gate
 sayāṃ vaṣi sammāsi pāraṃgiṇe
 23 Tato ca kappānam alinavikkamo
 asaṅkhiye so caturō salakkhake
 taḥiṃ taḥiṃ jātisu bodhipācane
 visuddhasambhāraguṇe apūrayi
 24 Athābhijāto Tusite mahāyaso
 visuddhasambodhipadopaladdhiyā

¹ M. parivārita.² B. nibbaṇathaṃ.

- udikkhamāno samayaṃ dayādhano
ciraṃ vibhūtiṃ anubhosi sabbaso
- 25 Sahassasaṅkhādasacakkavāḷato
samāgatānekasurādhipādihi
udaggudaggehi jinantapattiyā
sagāravayaṃ so abhigamma yācito
- 26 Tato cavitvā Kapilavhaye pure
sadā sato Sakyakulekaketuno
ahosi Suddhodanabhūmibhattuno
Mahādimāyāya mahesiyā suto
- 27 Vijātamatto 'va vasundharāya so
patiṭṭhahitvāna disā vilokayi
tadā ahesuṃ vivaṭaṅganā disā
apūjayuṃ tattha ca devamānūsā
- 28 Adhārayuṃ ātapavāraṇādikaṃ
adissamānā va nabhamhi devatā
padāni so satta ca uttarāmukho
upecca nicchārayi vācam āsabhim
- 29 Yathattha-Siddhatthakumāranāmako
mahabbalo yobbanahāriviggaho
ututtayānucchavikesu tīsu so
'nubhosi pāsādavaresu sampadaṃ
- 30 Kadāci uyyānapathe jarāhataṃ
tathāturaṃ kālakataṃ ca saṃyamim
karena disvāna virattamānaso
bhavesu so pabbajituṃ akāmayi
- 31 Sapupphadipādikarehi rattiyāṃ
purakkhato so tidivādhivāsīhi
sa-Channako Kanthakavājjīyānato
tato mahākaruṇiko ' bhinikkhami
- 32 Kamena patvāna Anomam āpagaṃ
sudhotamuttāphalahārisekate
patiṭṭhahitvā varamoḷibandhanaṃ
sitāsīlūnaṃ gagane samukkhipi
- 33 Paṭiggahetvā tidasānaṃ issaro
suvaṇṇacaṅgotavarena taṃ tadā
tiyojanaṃ nīlamaṇīhi cetiyāṃ
akāsi cūḷāmaṇim attano pure

- 34 Tato Ghaṭikārasarojayoninā
 samāhaṭaṃ dhārayi cīvarādikaṃ
 atho sakaṃ vatthayugaṃ nabhatthale
 pasatthavesaggahaṇo samukkhipi
- 35 Paṭiggahetvāna tam ambujāsano
 mahiddhiko bhattibharena codito
 sake bhava dvādasayojanaṃ akā
 maṇīhi nilādihi dussacetiyaṃ
- 36 Susaṇṇatatto satimā jitindriyo
 vinitaveso rasagedhavajjito
 cha hāyanān' eva anomavikkamo
 mahāpadhānaṃ padahittha dukkaraṃ
- 37 Visākhamaṣass' atha puṇṇamāsiyaṃ
 upecca mūlaṃ sahaajāya bodhiyā
 tiṇāsane cuddasahatthasammite
 adhiṭṭhahitvā viriyaṃ nisajji ¹ so
- 38 Avattharantiṃ vasudhaṃ ca ambaraṃ
 virūpavesaggahaṇena bhimsanaṃ
 pakampayanto sadharādharmaṃ mahiṃ
 jino padose jini māravāhiṇiṃ
- 39 Surāsurabrahmagāṇehi sajjite
 jagattaye pupphamayagghikādinā
 pavattamāne suradundubhissare
 abujjhi bodhiṃ rajanīparikkhaye
- 40 Tadā pakampiṃsu sasalakānanā
 sahasasaṅkhādasalokadhātuyo
 agaṅchi so loṇapayodhi sādutaṃ ²
 mahāvabhāso bhuvanesu pattharī
- 41 Labhiṃsu andhā vimale vilocane
 suṇiṃsu sadde badhirā pi jātiyā
 lapiṃsu mūgā vacanena vaggunā
 caripiṃsu khelaṃ padasā 'va paṅgulā
- 42 Bhaviṃsu khujjā ujusommaviggahā
 sikhī 'pi nibbāyi avīci-ādisu
 apāgamuṃ bandhanato pi jantavo
 khudādikaṃ petabhavā apakkami

¹ B. nisajja.² sādutaṃ.

- 43 Samimsu rogavyasanāni pāṇinam
bhayaṃ tiracchānagate na pīlayi
janā ahesuṃ sakhilā piyaṃvadā
pavattayum koṇcanadam mataṅgajā
- 44 Hayā ca hesimsu pahaṭṭhamānasā
nadimsu sabbā sayam eva dundubhī
ravimsu dehābharaṇāni pāṇinam
disā pasidimsu samā samantato
- 45 Pavāyi mando sukhasitamāruto
pavassi meghe pi akālasambhavo
jahimsu ākāśagatiṃ vihaṅgamā
mahim samubbhijja jalam samuṭṭhahi
- 46 Asandamānā 'va ṭhitā savantiyo
nabhe virocimsu asesajotiyo
bhavā ahesuṃ vivaṭā samantato
janassa nāsuṃ cavanupapattiyo
- 47 Samekkhatam nāvarenaṃ nagādayo
pavāyi gandho api dibbasammato
dumā ahesuṃ phalapupphadhārino
ahosi channo kamalehi aṇṇavo
- 48 Thalesu toysu ca pupphamānakā
vicittapupphā vikaṣimsu sabbathā
nirantaram pupphasugandhavuṭṭhiyā
ahosi sabbam vasudhambarantaram
- 49 Nisajja pallaṅkavare taḥim jino
sukham samāpattivihārasambhavam
tato 'nubhonto sucirābhipatthitam
dināni satt' eva atikkamāpayi
- 50 Samuppativā gaganāṅgaṇam tato
padassayivā yamakam mahāmuni
sa pātihīram tidivādhivāsinam
jinattane saṃsayitam nirākari
- 51 Ath' otarivāna jayāsanassa so
ṭhito va pubbuttarakaṇṇanissito
dināni sattānimisena cakkhunā
tam āsanam bodhitarum ca pūjayi
- 52 Ath' antarāle maṇicaṅkame jino
ṭhitappadesassa ca āsanassa ca

- mahārahe devavarābhinimmitte
 dināni satt' eva akāsi caṅkamaṃ
 53 Tato disāyaṃ aparāya bodhiyā
 upāvisitvā ratanālaye jino
 samantapaṭṭhānanayaṃ vicintayaṃ
 dināni satt' eva sa vītināmayi
 54 Viniggato satthu sarirato tadā
 jutippabandho paṭibandhavajjito
 pamānasuññāsu ca lokadhātusu
 samantato uddham adho ca patthari
 55 Vaṭassa mūle Ajapālasaṅgino
 sukhaṃ phusanto pavivekasambhavaṃ
 vināyako satta vihāsi vāsare
 anantadassī surarājapūjito
 56 Vihāsi mūle Mucalindasākhino
 nisajja bhogāvalimandirodare
 vikiṇṇapupphe Mucalindabhogino
 samādhinā vāsarasattakaṃ jino
 57 Dume pi Rājāyatane samādhinā
 vihāsi rattindivasattakaṃ muni
 sahassanetto atha dantapoṇakaṃ
 mukhodakaṃ cāpi adāsi satthuno
 58 Tato mahārājavarehi ābhaṭaṃ
 silāmayāṃ pattacattukkaṃ ekakaṃ
 vidhāya manthaṃ madhupiṇḍikaṃ tahiṃ
 paṭiggahetvāna sa vāṇijāhaṭaṃ
 59 Katannakicco saraṇesu te ubho
 paṭiṭṭhapetvāna Tapassu-Bhalluke
 adāsi tesāṃ abhipūjitaṃ sakaṃ
 parāmasitvāna siraṃ siroruhe
 60 Vaṭassa mūle Ajapālasaṅgino
 sahampatibrahmavarena yācito
 janassa kātumaṃ varadhammasangahaṃ
 agaṅchi Bārāṇasim ekako muni
 61 Gantvā so dhammarājā vanam Isipatanaṃ saṅgātānaṃ
 nikaṭaṃ
 pallaṅkasmim nisinna tahiṃ avicalitaṭṭhānasampāditamhi
 āsāḷhe puṇṇamāyaṃ sitaruciruciyaṃ jotite cakkavāḷe

devabrahmādikānaṃ duritamalaharaṃ vattayī dhamma-
cakkam

62 Suvā saddhammam aggaṃ tibhuvanakuharābhoga-
vitthārikam¹ taṃ

Aññākoṇḍaññānāmadvijamunipamukhaṭṭhārasabrahma-
koṭī

aññāsuṃ maggadhammaṃ parimitarahite cakkavāḷe uḷāro
obbhāso pātubhūto sapadi bahuvidham āsi accherakam ca

PATHAMO PARICCHEDO

¹ B. °vitthāritam.

DUTIYO PARICCHEDO.

- 1 Tato patthāya so satthā vinento devamānuse
bodhito Phussamāsamhi navame puṇṇamāsiyaṃ
- 2 Laṅkam āgamma Gaṅgāya tīre yojanavittthate
Mahānāgavanuyyāne āyāmena tiyojane
- 3 Yakkhānaṃ samitiṃ gantvā tthatvāna gagane tahiṃ
vātandhakāravutthihi katvā yakkhe bhayaddite
- 4 Laddhā bhayehi yakkhehi tehi dinnāya bhūmiyā
cammakhaṇḍaṃ pasāretvā nisīditvāna taṅkhaṇe
- 5 Chammakhaṇḍaṃ padittaggiḷamālāsamākulaṃ
iddhiyā vaḍḍhayitvāna yāva sindhuṃ samantato
- 6 Javena sindhuvelāya rāsibhūte nisācare
Giridipam idhānetvā paṭiṭṭhāpesi te tahiṃ
- 7 Desayitvā jino dhammaṃ tadā devasamāgame
bahunnaṃ paṇakoṭṭinam dhammābhisamayam akā
- 8 Mahāsumanadevassa sele Sumanakūṭake
datvā namassituṃ kese agū Jetavanaṃ jino
- 9 Paṭiṭṭhapetvā te satthunisinnāsanabhūmiyā
indanīlamayaṃ thūpaṃ karitvā so apūjayi
- 10 Nissāya maṇipallankaṃ pabbataṇṇavavāsino
disvā yuddhatthike nāge Cūḷodara-Mahodare
- 11 Bodhito pañcame vasse cittamāse mahāmuni
uposathe kāḷapakkhe Nāgadīpam upāgami
- 12 Tadā Samiddhi Sumano devo Jetavane tthitaṃ
attano bhavanaṃ yeva Rājāyatanapādapaṃ
- 13 Indanīladdikūṭaṃ va gahetvā tuṭṭhamānaso
dhārayitvā sahāgañchi chattaṃ katvāna satthuno
- 14 Ubhinnaṃ nāgarājūnaṃ vattamāne mahāhave
nisinno gagane nātho māpayittha mahātamaṃ
- 15 Ālokaṃ dassayitvā 'tha assāsetvanā bhogino
sāmaggikaraṇaṃ dhammaṃ abhāsi purisāsabho

- 16 Asītikotiyo nāgā acalambudhivāsino
 patiṭṭhahimsu muditā silesu saraṇesu ca
 17 Datvāna maṇipallaṅkaṃ satthuno bhujagādhipā
 tatth' āsīnaṃ mahāvīraṃ annapānehi tappayum
 18 Patiṭṭhapetvā so tattha Rājāyatanapādapaṃ
 pallaṅkaṃ tañ ca nāgānaṃ adāsi abhipūjituṃ
 19 Bodhito aṭṭhame vasse vesākhe puṇṇamāsiyaṃ
 Maṇi-akkhika-nāmena nāgindena nimantito
 20 Nāgarājassa tass' eva bhavanaṃ sādhusajjitaṃ
 Kalyāṇiyaṃ pañca bhikkhusatehi saha āgami
 21 Kalyāṇi-cetiyaṭṭhāne kate ratanamaṇḍape
 mahārahamaṃ pallaṅke upāvisi narāsabho
 22 Dibbehi khajjabhojjehi sasaṅghaṃ lokanāyakaṃ
 santappesi phaṇindo so bhujagehi ¹ purakkhato
 23 Desayitvāna saddhammaṃ saggamokkhasukhāvahaṃ
 so satthā Sumane kūṭe dassesi padalañchanaṃ
 24 Tato pabbatapādamaṃ sasaṅgho so vināyako
 divā vihāraṃ katvāna Dīghavāpim ² upāgami
 25 Thūpaṭṭhāne taṃ buddho sasaṅgho 'bhiniśīdiya
 samāpattisamubbhūtaṃ avindi asaṃ sukhaṃ
 26 Mahābodhitaruṭṭhāne samādhim appayī jino
 Mahāthūpappadeso ca viharittha samādhinā
 27 Thūpārāmaṃ thūpassa ṭhāne jhānasukhena so
 sabhikkhusaṅgho sambuddho muhuttaṃ vītināmayi
 28 Silāthūpappadesamaṃ ṭhatvā kālavidū muni
 deve samanūsāsetvā tato Jetavanaṃ agā
 29 Agiddho lābhasakkāre asayhaṃ avamānaṃ
 sahanto kevalaṃ sabbalokanītharaṇatthiko
 30 Samvaccharāni ṭhatvāna cattāṭisaṃ ca pañca ca
 desayitvāna suttādiṃ navaṅgaṃ satthusāsaṃ
 31 Tāretvā bhavakantārā jana saṅkhyātivattino
 buddhakiccāni sabbāni niṭṭhāpetvāna cakkhumā
 32 Kusinārāpure raññaṃ Mallānaṃ Upavattane
 sālavanamaṃ yamaka-sālarukkhānaṃ antare
 33 Mahārahe supaṇṇatte mañce uttarasīsaṃ
 nipanno sīhaseyyāya vesākhe puṇṇamāsiyaṃ

¹ B. Bhujagehi.² M. Dīghavāpim.

- 34 Desetvā paṭhame yāme Mallānaṃ dhammam uttamaṃ
Subhaddaṃ majjhime yāme pāpetvā amataṃ padaṃ
35 Bhikkhū pacchimayāmamhi dhammakkhandaṃ asesake
saṅgaya ovaditvāna appamādapadena ca
36 Paccūsasamaye jhānasamāpattivihārato
utthāya parinibbāyi sesopadhivivajjito
37 Mahikampādayo āsum tadā acchariyāvahā
pūjā visesā vattiṃsu devamānusakā bahū
38 Parinibbāṇasuttante vuttānukkamato pana
pujāviseso viññeyyo icchantehi asesato
39 Ahatehi ca vatthehi veṭhetvā paṭhamam jinaṃ
veṭhayitvāna kapāsapicunā vihatena ca
40 Evaṃ pañcasatakkhattuṃ veṭhayitvāna sādhukaṃ
pakkhipitvā suvaṇṇāya telapuṇṇāya doṇiyaṃ ¹
41 Viṣaṃ hatthasatubbedhaṃ gandhadāruhi saṅkataṃ
āropayimsu citakaṃ Mallānaṃ pamukhā tadā
42 Mahākassapatherena dhammarāje avandite
citakaṃ mā jalitthā ti devādhiṭṭhānato pana
43 Pāmekkhā Mallarājūnaṃ vāyamaṇṭā p' anekadhā
citakaṃ taṃ na sakkhimsu gāhāpetuṃ hutāsanam
44 Mahākassapatherena adhiṭṭhānena attano
vaṭṭhādīni mahādoṇiṃ citakaṃ ca mahārahaṃ
45 Dvidhā katvāna nikkhamma sakasīse patiṭṭhitā
vanditā satthuno pādā yathāṭhāne patiṭṭhitā
46 Tato devānubhāvena pajjalittha cittānalo
na masi satthudehassa daddhass' āsi na chārikā
47 Dhātuyo avasissimsu muttābhā kañcanappabhā
adhiṭṭhānena buddhassa vippakiṇṇā anekadhā
48 Uṇhisam akkhakā dve ca catasso dantadhātuyo
icc ete dhātuyo satta vippakiṇṇā na satthuno
49 Ākāsato patitvā pi uggantvā pi mahitalā
samantā jaladhārāyo nibbāpesuṃ citānalaṃ
50 Therassa Sāriputtassa antevāsī mahiddhiko
Sarabhunāmako thero pabhinnapaṭisambhido
51 Givādhātuṃ gahetvāna citato Mahiyaṅgane
patiṭṭhāpetvā thūpamhi akā kañcukacetiyam

¹ M. Doṇiyā.

- 52 Khemavhaya kārūṇiko khīṇasaṃyojano muni
citakāto tato vāmadāṭṭhādadhātum samaggaḥi
- 53 Aṭṭhannaṃ atha rājūnaṃ dhātu-atthāya satthuno
uppannaṃ viggahaṃ Doṇo sametvāna dvijuttamo
- 54 Katvāna aṭṭha koṭṭhāse bhājetvā sesadhātuyo
adāsi aṭṭha rājūnaṃ taṃ-taṃ-nagaravāsinaṃ
- 55 Haṭṭhatuṭṭhā gahetvāna dhātuyo tā narādhipā
gantvā sake sake raṭṭhe cetiyāni akārayum
- 56 Ekā dāṭṭhā Surindena ekā Gandhāravāsīhi
ekā bhujāgarājūhi āsi sakkatapūjita
- 57 Dantadhātum tato Khemo attanā gahitaṃ adā
Dantapure Kalīngassa Brahmaḍattassa rājino
- 58 Desayitvāna so dhammaṃ bhettvā sabbakudittīhiyo
rājānaṃ taṃ pasādesi aggaṃhi ratanattaye
- 59 Ajjhogāḷho munindassa dhammāmatamaḥaṇṇavaṃ
so narindo pavāhesi malaṃ macchariyādikaṃ
- 60 Pāvussako yathā megho nānāratanaḥavassato
dāḷiddiyanidāghaṃ so nibbāpesi naruttamo
- 61 Suvāṇṇakhacitālabhamuttājālehi ¹ sobhitaṃ
kūṭāgārasatākiṇṇaṃ taruṇādīccasannibhaṃ
- 62 Nānāratanasobbhāya duddikkhaṃ cakkhumūsaṃ
yānaṃ saggāpavaggassa pasādātīsayāvahaṃ
- 63 Kārayitvāna so rājā dāṭṭhādadhātunivesanaṃ
dhātupīṭhaṃ ca tath' eva kāretvā ratanujjalaṃ
- 64 Tahim samappayitvāna dāṭṭhādadhātum mahesino
pūjāvattūhi pūjesi rattindivam atandito
- 65 Iti so sañcinitvāna puññasambhārasampadaṃ
cajivā mānaṃ dehaṃ saggakāyama alaṅkari
- 66 Anujāto tato tassa Kāsīrājāvahayo suto
rajaṃ laddhā amaccānaṃ sokasallama apānudi
- 67 Puppahagandhādīnā dantadhātum taṃ abhipūjīya
niccaṃ maṇippadīpehi jotayī dhātumandiraṃ
- 68 Icc' evama ādīma so rājā katvā kusalasañcayama
jahitvāna nijama dehaṃ devindapurama ajjhagā
- 69 Sunando nāma rājīndo ānandajanaṃ satama
tassa' atrajo tato āsi buddhasāsanamaṃmako

¹ B. °khacitaṃ.

- 70 Sammānetvāna so dantadhātum ñeyyantadassino
mahatā bhattiyogena agā devasahavyatam
- 71 Tato param ca aññe pi bahavo vasudhādhipā
dantadhātum munindassa kamena abhipūjayum
- 72 Guhasīvavhayo rājā duratikkamasāsano
tato rajjasirim patvā anugaṇhi mahājanam
- 73 Sapatthānabhiññe¹ so lābhāsakkāralolupe
māyāvino avijjandhe Nigaṇthe samupaṭṭhahi
- 74 Vassāratte yathā cando mobakkhandhena āvaṭṭo
nāsakkhi guṇaramsīhi jalitum so narāsabho
- 75 Dhammaggā apete pi pavitṭhe ditṭhikānanam
tasmim sādhipatham aññe nātivattimsu pāṇino
- 76 Hemataranamālāhi dhajehi kadalīhi ca
pupphagghiyehi 'nekehi sajjetvā nāgarā puram
- 77 Maṅgalatthutighosehi naccagitādikehi ca
hemarūpiyapupphehi gandhacunṇādikehi ca
- 78 Pūjentā² munirājassa dāṭhādhatum kudācanam
akamsu ekanigghosam samvaṭṭambudhisannibham
- 79 Uggahātvā narindo so pāsāde sihapañjaram
passanto janam addakkhi pūjāvidhiparāyanam
- 80 Athāmaccasabhāmajjhe rājā vimhitamānaso
kotūhalākulo hutvā idam vacanam abravī
- 81 Accherakam kim etan nu kīdisam pāṭihāriyam
mam etam nagaram kasmā chaṇanissitakam iti
- 82 Tato amacco ācikkhi medhāvi buddhamāmako
rājino tassa sambuddhānubhāvam avijānato
- 83 Sabbābhibhussa buddhassa taṇhāsankhayadassino
esā dhātu mahārāja Khemattherena āhatā
- 84 Tam dhātum pūjayitvāna rājāno pubbakā idha
kalyāṇamitte nissāya devakāyam upāgamum
- 85 Nāgarā pi ime sabbe samparāyasukhatthikā
pūjayanti samāgamma dhātum tam satthuno iti
- 86 Tassāmaccasa so rājā sutvā dhammasubhāsitam³
dulladdhimalam ujjhitvā pasīdi ratanattaye
- 87 Dhātupūjam karonto so rājā acchariyāvaham

¹ B. °nabhiñño.² B. pujento.³ M. dhammam.

- titthiye dummane 'kāsi sumane c' etare jane
 88 Ime ahirikā sabbe saddhādiguṇavajjitā
 thaddhā saṭhā ca duppaññā saggamokkhavibādhakā ¹
 89 Iti so cintayitvāna Guhasīvo narādhipo
 pabbājesi sakā raṭṭhā Nigaṇṭhe te asesake
 90 Tato Nigaṇṭhā sabbe pi ghatasittānalā yathā
 kodhaggijalitā 'gañchum puram Pāṭaliputtakam
 91 Tattha rājā mahātejo Jambudīpassa issaro
 Paṇḍunāmo tadā āsi anantabalavāhaṇo
 92 Kodhandhā 'tha Nigaṇṭhā te sabbe pesuññakārakā
 upasaṅkamma rājānam idaṃ vacanam abravum
 93 Sabbadevamanussehi vandaniye mahiddhike
 Siva-brahmādayo deve niccam tumhe namassatha
 94 Tuyham sāmantabhūpālo Guhasīvo panādhunā
 nindanto tādisse deve chavaṭṭhim vandate iti
 95 Sutvāna vacanam tesam rājā kodhavasānugo
 Sūram sāmantabhūpālam Cittayānam ath' abravī
 96 Kālingaratṭham gantvāna Guhasīvam idhānaya
 pūjitam tam chavaṭṭhim ca tena rattindivam iti
 97 Cittayāno tato rājā mahatiṃ caturāginim
 sannayhitvā sakam senam purā tamhā 'bhinikkhami
 98 Gantvāna ² so mahīpālo senaṅgehi purakkhato
 Dantapurassāvidūre khandhāvāram nivesayi
 99 Sutvā āgamanam tassa Kālingo ³ so mahīpati
 gajindapābhatādīhi tam tosesi narādhipam
 100 Hitajjhāsayatam natvā Guhasīvassa rājino
 Dantapuram Cittayāno saddhim senāya pāvīsi
 101 Pākāragopurattālapāsādagghikacittitam
 dānasālāhi so rājā samiddham puram addasa
 102 Tato so sumano gantvā pavitṭho rājamandiram
 Guhasīvassa ācikkhi Paṇḍurājassa sāsanaṃ
 103 Sutvāna sāsanaṃ tassa dāruṇam duratikkamaṃ
 pasannamukhavaṇṇo va Cittayānam samabravi
 104 Sabbalokahitattāya maṃsanettādidānato
 anappakappe sambhāre sambharitvā atandito

¹ M. vibandhakā.² B. gatvana.³ M. Kalingo.

- 105 Jetvā namucino senaṃ patvā sabbāsavakkhayam
anāvarenañāṇena sabbadhammesu pārāgu
106 Diṭṭhadhammasukhassādaṃ agaṇetvāna attano
dhammanāvāya tāresi janataṃ yo bhavaṇṇavā
107 Devātidevaṃ taṃ buddhaṃ saraṇaṃ sabbapāṇinaṃ
jano hi avajānanto addhā so vañcito iti
108 Ice' evaṃ ādiṃ sutvāna so rājā satthu vaṇṇanaṃ
ānandassuppabandhehi pavedesi pasannataṃ
109 Guhasīvo pasannaṃ taṃ Cittayānaṃ udikkhiya
tena saddhiṃ mahagghaṃ taṃ agamā dhātumandiraṃ
110 Haricandanasambhūtadvārabāhādikehi ¹ ca
pavāḷavāḷamālāhi lambamuttālatāhi ca
111 Indanilakavāṭehi maṇikinkīṇikāhi ca
sovaṇṇakaṇṇamālāhi sobhitaṃ maṇithūpikaṃ
112 Uccaṃ veluriyubbhāsichadanaṃ makarākulaṃ
dhātumandiraṃ adakkhi ratanujjalapīṭhakaṃ
113 Tato setātapattassa heṭṭhā ratanacittitaṃ
disvā dhātukaraṇḍaṃ ca tuṭṭho vimhayam ajjhagā
114 Tato Kālīṅganātho ² so vivarivā karaṇḍakaṃ
mahītale nihantvāna dakkhiṇaṃ jānumaṇḍalaṃ
115 Añjaliṃ paggaḥetvāna guṇe dasabalādike
sarivā buddhasetṭhassa akāsi abhiyācanaṃ
116 Gaṇḍambarukkhamaḷamhi tayā titthiyamaddane
yamaṃ dassayantena pāṭihāriyaṃ abbhutaṃ
117 Pubbakāyādinikkhantajalānālasamākulaṃ
cakkavāḷaṅgaṇaṃ katvā janā sabbe pasādītā
118 Desetvāna tayo māse Abhidhammaṃ sudhāsiṇaṃ
nagaraṃ otarantena Saṅkassaṃ Tāvatiṃsato
119 Chattacāmarasaṅkhādīgāhakehi anekadhā
brahmadevāsuraḍīhi pūjitena tayā pana
120 Ṭhatvāna maṇisopāne Vissakammābhiniṃmite
Lokavivaraṇaṃ nāma dassitaṃ pāṭihāriyaṃ
121 Tathā 'nekesu ṭhānesu munirāja tayā puna
bahūni pāṭihīrāni dassitāni sayambhunā

¹ M. sambhūtaṃ.² B. Kālīṅga; comp. III. 7.

- 122 Pāṭihāriyam ajjāpi saggamokkhasukhāvahaṃ
passantānaṃ manussānaṃ dassanīyaṃ tayā iti
- 123 Abbhuggantvā gagaṇakuharaṃ ¹ candalekhābhirāmā
vissajjenti rajatadhavalā raṃsiyo dantadhātu ²
dhūpāyanti sapadi bahudhā pajjalanti muhuttaṃ
nibbāyanti nayanasubhagaṃ pāṭihīraṃ akāsi
- 124 Accheraṃ taṃ paramaruciraṃ Cittayāno narindo
disvā haṭṭho ciraparicitaṃ diṭṭhijālaṃ jahitvā
gantvā buddhaṃ saraṇaṃ asamaṃ sabbaseṇīhi saddhiṃ
aggāṃ puññaṃ pasavi bahudhā dhātusammānanāya

DUTIYO PARICCHEDO

¹ B. M. gagaṇa.² B. °dhātum.

CHAPTER III.

- 1 Tato Kaliṅgādhipatissa tassa
so Cittayāno paramappito
taṃ sāsanaṃ Paṇḍunarādhipassa
nāpesi dhīro duratikkaman ti
- 2 Rājā tato Dantapuraṃ dhajehi
pupphehi dhūpehi ca toraṇehi
alaṅkaritvāna mahāvitāna-
nivāritādiccamarīcijālaṃ
- 3 Assuppabandhāvutalocanehi
purakkhato negamanāgarehi
samubbahanto sirasā nijena
mahārahaṃ dhātukaraṇḍakaṃ taṃ
- 4 Samussitodārasitātapattaṃ
saṅkhodarodātaturaṅgayuttaṃ
rathaṃ navādiccasamānavannaṃ
āruyha cittattharaṇābhirāmaṃ
- 5 Anekasaṅkhehi balehi saddhiṃ
velātivattambudhisannibhehi
nivattamānassa bahujjanassa
vinā pi dehaṃ manasānuyāto
- 6 Susanthataṃ sabbadhi vālukāhi
susajjitaṃ puṇṇaghaṭādikēhi
pupphābhikiṇṇaṃ paṭipajja dīghaṃ
suvitthataṃ Pāṭaliputtamaggamaṃ
- 7 Kaliṅganātho kusumādikehi
naccehi gītehi ca vāditehi
dine dine addhani dantadhātuṃ
pūjesi saddhiṃ vanadevatāhi
- 8 Suduggamaṃ sindhumahīdharehi
kamena-m-addhānam atikkamitvā
ādāya dhātuṃ manujādhinātho
agā puraṃ Pāṭaliputtanāmaṃ

- 9 Rājādhirājo 'tha sabbhāya majjhe
disvāna taṃ vītabhayaṃ visaṅkaṃ
Kaliṅgarājaṃ paṭighābhībhūto
abbhāsi pesuññakare Nigaṇṭhe
- 10 Deve jahitvāna namassanīye
chavaṭṭhim etena namassitaṃ taṃ
aṅgārarāsimhi sajotibhūte
nikkhippa khippaṃ dahathādhuneti
- 11 Pahaṭṭhacittā va tato Nigaṇṭhā
rājaṅgane¹ te mahatiṃ gabhīraṃ
vītaccikaṅgārakarāsipuṇṇaṃ
aṅgārakāsuṃ abhisāṅkharīṃsu
- 12 Samantato pajjalitāya tāya
sajotiyā Roruvabheravāya
mohandhabhūtā atha titthiyā te
taṃ dantadhātum abhinikkhipīṃsu
- 13 Tassānubhāvena taṃ aggirāsim
bhetvā sarojaṃ rathacakkamattaṃ
samantato uggatareṇujālam
uṭṭhāsi kiṅjakkhaharābhirāmaṃ.
- 14 Tasmīṃ khāṇe paṅkajakaṇṇikāya
paṭiṭṭhahitvā jīnadantadhātu
kundāvadātāhi pabhāhi sabbā
disā pabhāsesi pabhassarāhi
- 15 Disvāna taṃ acchariyaṃ manussā
pasannacittā ratanādikehi
sampūjayitvā jīnadantadhātum
sakaṃ sakaṃ ditṭhim avossajīṃsu
- 16 So Paṇḍurājā pana ditṭhijālam
ciraṇubaddhaṃ aparicajanto
paṭiṭṭhapetvā 'dhikaraṇyaṃ² etaṃ
kūṭena ghātāpayi dantadhātum
- 17 Tassaṃ nimuggā 'dhikaraṇyaṃ² esā
upaddhabhāgena ca dissamānā
pubbācalaṭṭho va sudhāmarīci
jotesi raṃsihi disā samantā

¹ M. aṅgane.² M. B. here at vv. 21, 25 °karaññaṃ.

- 18 Disvānubhāvaṃ jinadantadhātuyā
 āpajji so vimhayam aggarājā
 eko 'tha issāpasuto nigaṇṭho
 taṃ rājarājānam idaṃ avoca
- 19 Rāmādayo deva Janaddanassa
 nānāvatarā bhuvane ahesuṃ
 tass' ekadeso va idaṃ chavaṭṭhi
 no ce 'nubhāvo katham idiso ti
- 20 Addhā manusattam upāgatassa
 devassa pacchā tidivaṃ gatassa
 dehekadeso ṭhapito hitattham
 etan ti saccaṃ vacanaṃ bhaveyya
- 21 Saṃvaṇṇayitvāna guṇe pahūte
 Nārāyaṇass' assa mahiddhikassa
 nimuggam ettādhikaraṇyam etaṃ
 sampassato me bahi niharitvā
- 22 Sampādayitvāna mahājanānaṃ
 mukhāni paṅkeruhasundarāni
 yathicchitaṃ gaṇhatha vatthujātaṃ
 icc āha rājā mukhare nigaṇṭhe
- 23 Te titthiyā Viṇhusuraṃ guṇehi
 vicittarūpehi abhitthavitvā
 toyena sañcimsu saṭhā tathā pi
 ṭhitappadesā na calittha dhātu
- 24 Jigucchamāno atha te nigaṇṭhe
 so dhātuyā niharāṇe upāyaṃ
 anvesamāno vasudhādhinātho
 bheriṃ carāpesi sake puramhi
- 25 Nimuggam etthādhikaraṇyam ajja
 yo dhātum etaṃ bahi nihareyya
 laddhāna so issariyaṃ mahantaṃ
 rañño sakāsā sukham essatī ti
- 26 Sutvāna taṃ bheriravaṃ ulāraṃ
 puññatthiko buddhabale pasanno
 tasmim pure seṭṭhisuto Subhaddo
 pāvekkhi rañño samitiṃ pagabbho
- 27 Tam aggarājāṃ atha so namitvā
 sāmājikānaṃ hadayaṅgamāya

- bhāsāya sabbaññugunappabhāvaṃ
 vaṇṇesi sārājjavimuttacitto
 28 Bhūmiṃ kiṇṭvā mahatā dhanena
 manoramaṃ Jetavanaṃ vihāraṃ
 yo kārayitvāna jinassa datvā
 upaṭṭhahī taṃ catupaccayehi
 29 Anāthapiṇḍappadaseṭṭhiseṭṭho
 so ditṭhadhammo papitāmaho me
 tilokanāthe mama dhammarāje
 tumhe 'dhunā passatha bhattibhāraṃ
 30 Itthaṃ naditvāna pahūtapañño
 katvāna ekamsam ath' uttarīyam
 mahitalaṃ dakkhiṇajānukena
 āhacca baddhañjaliko avoca
 31 Chaddanta-nāgo savisena viddho
 sallena yo lohitamakkhitaṅgo
 chabbannaramsihi samujjalante
 chetvāna luddāya adāsi dante
 32 Saso pi hutvāna visuddhasilo
 ajjhaddadānābhirato dvijāya
 yo dajji deham pi sakaṃ nipacca
 aṅgārarāsimhi bubhukkhitāya
 33 Yo bodhiyā bāhiravatthudānā
 atittarūpo Sivirājaseṭṭho
 adāsi cakkhūni pabhassarāni
 dvijāya jīṇṇāya acakkhukāya
 34 Yo khantivādī pi Kalāburāje
 chedāpayante pi sahatthapādaṃ
 pariplutaṅgo rudhire titikkhī
 mettāyamāno yasadāyake 'va
 35 Yo Dhammapālo api sattamāsa-
 jāto paduṭṭhe janake sakamhi
 kārapayante asimūlakammaṃ
 cittaṃ no dūsesi Patāparāje
 36 Sākhāmigo yo asatā pumena
 vane papātā sayamuddhaṭṭena
 silāya bhinne pi sake lalāṭe
 taṃ khemabhūmiṃ anayittha mūlhaṃ

- 37 Rut̥thena māren' abhinimmitam pi
 aṅgārakāsuṃ jalitaṃ vibhijja
 sāmūt̥thite sajjū mahāravinde
 t̥hatvāna yo set̥thi adāsi dānaṃ
- 38 Migena yenopavijaññam ekam
 bhītaṃ vadhā mocayituṃ kuraṅgiṃ
 āghātane attasiraṃ t̥hapetvā
 pamocitā 'ññe api pāṇisaṅghā
- 39 Yo sattavasso visikhāya paṃsu-
 kiḷāparo Sambhavanāmako pi
 sabbaññulīhāya nigūḷhapañham
 puṭ̥tho viyākāsi Sucīratena
- 40 Hitvā nikantiṃ¹ sakajīvite pi
 baddhā sakucchimhi ca vettavallim
 sākhamige nekasahassasaṅkhe
 vadhā pamocesi kapissaro yo .
- 41 Santappayaṃ dhammasudhārasena
 yo mānuse Tuṅḍilasūkaro pi
 isi va katvā atha ñāyaganthaṃ
 nijam pavattesi cirāya dhammam
- 42 Paccat̥thikaṃ Puṇṇakayakkham uggam
 mahiddhikaṃ kāmaguṇesu giddham
 yo tikkhapañño Vidhurābhiddhāno
 damesi Kālāgiri-matthakamhi
- 43 Kulāvasāyi avirūḷhapakkho
 yo buddhimā vaṭ̥takapotako pi
 saccena dāvaggim abhijjalantaṃ
 vassena nibbāpayi vārido 'va
- 44 Yo maccharājā pi avuṭ̥thikāle
 disvāna macche tasite kilante
 saccena vākyena mahoghapuṇṇam
 muhuttamattena akāsi raṭ̥thaṃ
- 45 Vicittat̥thassarathādikāni
 vasundharākampanakāraṇāni
 putte 'nujāte sadise ca dāre
 yo dajji Vessantarajātiyam pi

¹ B. Hitvāna kantim.

- 46 Buddho bhavitvā api diṭṭhadhamma-
sukhānapekkho karuṇānuvattī
sabbam saṅgato avamānanādiṃ
yo dukkaram lokahitam akāsi
- 47 Balena saddhiṃ caturāṅgikena
abhiddavantam atibhāsanena
ajeyyasattham paramiddhipattam
damesi yo Ālavakam pi yakkham
- 48 Dehābhiniikkhantahutāsanacci-
mālākulam brahmabhavam karitvā
bhetvāna diṭṭhiṃ sucirānubaddham
vinesi yo brahmavaram munindo
- 49 Accankusam dhānasudhotagaṇḍam
nipātitaṭṭālakagopurādiṃ
dhāvantaṃ agge Dhanapālahatthiṃ
damesi yo dāruṇam antakam va
- 50 Manussarattāruṇapāṇipādam
ukkippa khaggaṃ anubandhamānam
mahādayo duppasaham parehi
damesi yo Aṅgulimālacoram
- 51 Yo dhammarājā vijitārisaṅgho
pavattayanto varadhammacakkam
saddhammasaññaṃ ratanākaraṃ ca
ogāhayī sam parisam samaggaṃ
- 52 Tass 'eva saddhammanarādhīpassa
Tathāgatass' appatipuggalassa
anantaññaṇassa visāradassa
esā mahākāruṇikassa dhātu
- 53 Anena saccena jinassa dhātu
khippam samāruyha nabhantarāḷam
sudhamsulekheva samujjalanti
kaṅkham vinodetu mahājanassa
- 54 Tasmim khaṇe sā jinadantudhātu
nabham samuggamma pabhāsanti
sabbā disā osadhitārakā va
janam pasādesi vitipṇakakham
- 55 Atho taritvā gaganāṅganambā
sā matthake setṭhisutassa tassa

- patiṭṭhahitvāna sudhābhisitta-
 gattam va taṃ piṇayi bhattinnaṃ
 56 Disvāna taṃ acchariyaṃ nigaṇṭhā
 icc abravuṃ Paṇḍunarādhipaṃ taṃ
 vijjābalaṃ seṭṭhisutassa etaṃ
 na dhātuyā deva ayaṃ pabhāvo
 57 Nisamma tesāṃ vacanaṃ narindo
 icc abravī seṭṭhisutaṃ Subhaddaṃ
 yathā ca ete abhisaddaheyyuṃ
 tathāvidhaṃ dassaya iddhiṃ aṇṇaṃ
 58 Tato Subhaddo tapanīyapatte
 sugandhisītodakapūritamhi
 vaḍḍhesi dhātum munipuṅgavassa
 anussaranto caritabbhutāni
 59 Sā rājahaṃsiva vidhāvamānā
 sugandhitoyamhi padakkhiṇena
 ummujjamānā ca nimujjamānā
 jane pamodassudhare akāsi
 60 Tato ca kāsum visikhāya majjhe
 katvā taṃ dhātum abhikkhipitvā
 paṃsūhi sammā abhipūrayitvā
 bahūhi maddāpayi kuṅjarehi
 61 Bhetvā maṃ utṭhahi cakkamattaṃ
 virājamānaṃ maṇikaṇṇikāya
 pabhassaraṃ rūpiyakesarehi
 sarorahaṃ kañcanapattapāḷiṃ
 62 Patiṭṭhahitvāna taṃ saroje
 mandānilāvattitarenūjāle
 obhāsayaṃti va disā pabhāhi
 diṭṭhā muhuttana jinassa dhātu
 63 Khipiṃsu vatthābharaṇāni maccā
 pavassayum pupphamayam¹ ca vassaṃ
 ukkuṭṭhisaddehi ca sādhu-kāra-
 nādehi puṇṇaṃ nagaraṃ akamsu
 64 Te titthiyā naṃ² abhivañcanaṃ ti
 rājādhirājaṃ atha saṇṇapetvā

¹ Sic. B. M.² M. taṃ.

- jigucchanīye kuṇapādikehi
 khipiṃsu dhātum parikhāya piṭṭhe
 65 Tasmim khāṇe pañcavidhambujehi
 sañchādītā hamsagaṇopabhuttā
 madhubbatālivirutābhirāmā
 ahosi sā pokkharanī va Nandā
 66 Mataṅgajā² koñcaravaṃ raviṃsu
 kariṃsu hesāninadaṃ turaṅgā
 ukkuṭṭhinādaṃ akarīṃsu maccā
 suvādītā dundubhi-ādayo pi
 67 Thomiṃsu maccā thutiḡītakehi
 naciṃsu ottappavibhūsanā pi
 vatthāni sīse bhamayiṃsu mattā
 bhujāni pothesum udaggacittā
 68 Dhūpehi kāḷāgarusambhavehi
 ghanāvanaddhaṃ va nabhaṃ ahosi
 samussitānekadhajāvalihi
 puraṃ tadā vatthamayaṃ akāsi
 69 Disvā tam accheram acintanīyaṃ
 āmodītā maccagaṇā samaggā
 atthe niyojetum upecca tassa
 vadiṃsu Paṇḍussa narādhipassa
 70 Disvāna yo īdisakam pi rāja
 iddhānubhāvavaṃ munipuṅgavassa
 pasādamattam pi kareyya no ce
 kimatthiyā tassa bhaveyya paññā
 71 Pasādaniyesu guṇesu rāja
 pasādanaṃ sādhu-janassa dhammo
 pupphanti sabbe sayam eva cande
 samuggate komudakānanāni
 72 Vācāya tesam pana dummatīnaṃ
 mā saggamaggam pajahittha rāja
 andhe gahetvā vicareyya ko hi
 anvesamāno supathaṃ amūlho
 73 Narādhipā Kappiṇa-Bimbisāra-
 Suddhodanādī api tejavantā

¹ M. Gajādhīpā.

- taṃ dhammarājaṃ saraṇaṃ upecca
 pivimsu dhammānatam ādarena
 74 Sahassanetto tidisādhipo pi
 khīṇāyuko khīṇabhavaṃ munindaṃ
 upecca dhammaṃ vimalaṃ nisamma
 alattha āyuṃ api diṭṭhadhammo
 75 Tuvam pi tasmim jītapañcamāre
 devātideve varadhammarāje
 saggāpavaggādhigamāya khippaṃ
 cittaṃ pasādehi narādhirāja
 76 Sutvāna tesam vacanaṃ narindo
 vitiṇṇakankho ratanattayamhi
 senāpatiṃ atthacaraṃ avoca
 pahatṭhabhāvo parisāya majjhe
 77 Asaddahāno ratanattayassa
 guṇe bhavacchedanakāraṇassa
 cirāya dulladdhipathe caranto
 tṭhito sarajje api vañcito 'haṃ
 78 Mohena khajjopaṇakaṃ dhamesiṃ
 sītaddito dhūmasikhe jalante
 pipāsito sindhujalaṃ pahāya
 pivim pamādena maricitoyaṃ
 79 Pariceajitvā amataṃ cirāya
 jīvatthiko tikkhaviṣaṃ akhādiṃ
 vihāya 'haṃ campakapupphadāmaṃ
 adhārayiṃ jattusu nāgabhāraṃ
 80 Gantvāna khippaṃ parikhāsamīpaṃ
 ārādhayitvā jinadantadhātuṃ
 ānehi pūjāvidhinā karissaṃ
 puññāni sabbattha sukhāvahāni
 81 Gantvā tato so parikhāsamīpaṃ
 senādhinūtho paramappatīto
 dhātuṃ munindassa namassamāno
 ajjhesi rañño hitam ācaranto
 82 Cirāgataṃ diṭṭhimalaṃ pahāya
 alattha saddhaṃ sugate narindo
 pāsādam āgamaṃ pasādam assa
 vaḍḍhehi rañño ratanattayamhi

- 83 Tasmim̐ khaṇe pokkharanī vicittā
 phullehi sovaṇṇasaroruhehi
 alaṃkarontī gaganam̐ ahosi
 Mandākinī vābhinavāvatārā
- 84 Haṃsaṅganevātha munindadhātu
 sā paṅkajā paṅkajam̐ okkamantī
 kundāvadātāhi pabhāhi sabbam̐
 khīrodakucchim̐ va puram̐ akāsi
- 85 Tato surattañjalipaṅkajamhi
 patiṭṭhahitvāna camūpatissa
 sandissamānā mahatā janena
 mahapphalam̐ mānusakam̐ akattha
- 86 Sutvāna vuttantam̐ imam̐ narindo
 pahaṭṭhabhāvo padasā va gantvā
 saṃsūcayanto diguṇam̐ pasādam̐
 suvimhito pañjaliko avoca
- 87 Vohāradakkhā manujā muninda
 saṅghaṭṭayitvā nikasopalamhi
 karonti aggham̐ varakañcanassa
 eso hi dhammo carito purāṇo
- 88 Maṇim̐ pasatthākarasambhavam̐ pi
 hutāsakammehi 'bhisāṅkharitvā
 pāpenti rājaññakirīṭakoṭim̐
 vibhūsanattham̐ viduno manussā
- 89 Vīmamsanatthāya tavādhunā pi
 mayā kataṃ sabbam̐ imam̐ muninda
 āguṃ mahantaṃ khama bhūripaṅña
 khippam̐ mamālānkuru uttamaṅgam̐
- 90 Patiṭṭhitā tassa tato kirite
 maṇippabhūbhāsini dantadhātu
 amuñci raṃsī dhavalā pajāsu
 sinehajātā iva khīradhārā
- 91 So dantadhātum̐ sirasā vahanto
 padakkhiṇam̐ taṃ nagaram̐ karitvā
 sampūjayanto kusumādikehi
 susajjitantepuram̐ ¹ āharittha

¹ B. antopuram̐.

- 92 Sumussitodārasitātapatte
pallaṅkasetṭhe ratanujjalamh .
paṭiṭṭhapetvāna jinassa dhātum
pūjesi rājā ratanādikehi
- 93 Buddhādivatthuttayam eva rājā
āpāṇakoṭim saraṇam upecca
hitvā vihiṃsam karuṇādhivāso
ārādhayī sabbajanam guṇehi
- 94 Kāresi nānāratanaṃpabbhāhi
sahasaramsi va virocamaṇam
narādhipo bhattibharānurūpaṃ
sucittitaṃ dhātunivesanam pi
- 95 Vaddhesi so dhātugharam pi dhātum
alaṅkaritvā sakalam puram pi
sesena pūjāvidhinā atitto
pūjesi raṭṭham sadhanam sabhogam
- 96 Āmantayitvā Guhasīvarājam
sammānitaṃ attasamaṃ karitvā
dānādikaṃ puṇṇam anekarūpaṃ
saddhādhano saṅcini rājasetṭho
- 97 Tato so bhūpālo kumatijanasamsaggam anayaṃ
nirākatvā magge sugatavacanujjotasugame
padhāvanto sammā saparahitasampatticaturo
pasattham lokattham acari caritāvajjitajano

TATIYO PARICCHEDO.

CATUṬṬHO PARICCHEDO.

- 1 Carati dharaṇipāle rājadhammesu tasmim
samaracaturaseno Khiradhāro narindo
nijabhujabalalīlā 'rātīdappappamāthī
vibhavajanitamāno yuddhasajjo 'bhigañchi
- 2 Karivaram atha disvā so guhādvārayātaṃ
paṭibhayarahitatto sīharājā va rājā
nijanagarasamīpāyātaṃ etaṃ narindaṃ
amītabalamahoghen' ottharanto 'bhiyāyi
- 3 Uditabahaladhūlīpāliruddhantaḷikkho¹
samadavividhayodhārāvasaṃrambhabhīme
nisitasarasatālīvassadhārākarāle²
ajini mahati yuddhe Paṇḍuko Khīradhāraṃ
- 4 Atha narapatiseṭṭho saṅgahetvāna raṭṭhaṃ
nijatanujavarasmim rajjabhāraṃ nidhāya
sugatadasanadhātum sampaṭicchāpayetvā
pahiṇi ca Guhasīvaṃ sakkaritvā saratthaṃ
- 5 Suciram avanipālo saññamaṃ ajjhupeto
vividhavibhavadānā yācake tappayitvā
tidasapurasaṃjāṃ dehabhedā payāto
kusalaphalam anappaṃ patthitaṃ paccalattha
- 6 Narapati Guhasīvo taṃ munindassa dhātum
sakapuram upanetvā sādhu sammānayaṃto
sugatigamanamagge paṇiṇo yojayaṃto
sucaritaṃ abhirūpaṃ sañcinanto vihāsi
- 7 Aḅaṇitamahimass' Ujjenirañño tanūjo
purimavayasi yev' āradhasaddhābhīyogo
dasabalatanudhātum pūjitaṃ tassa rañño
puravaram upayāto Dantaṇāmo kumāro

¹ M. °bahaḷa° and °rundha°.² M. °karāḷe°

- 8 Guṇajanitapasādam taṃ Kalingādhinātham
 nikhilaguṇanivāso so kumāro karitvā
 vividhamahavidhānaṃ sādhu sampādayanto
 avasi sugatadhātum anvahaṃ vandamāno
- 9 Abhavi ca Guhasīvassāvanīsassa dhītā
 vikacakuvalayakkhī hamsakantābhiyātā
 vadanajitasarojā hāridhammillabhārā
 kucabharanamitaṅgi Hemamālābhīdhānā
- 10 Akhilaguṇanidhānaṃ bandhubhāvānurūpaṃ
 suvimalakulajātaṃ taṃ kumāraṃ viditvā
 narapati Guhasīvo attano dhītaraṃ taṃ
 adadi sabahumānaṃ rājaputtassa tassa
- 11 Manujapati kumāraṃ dhāturakkhādihikāre
 pacuraparijanaṃ taṃ sabbathā yojayitvā
 gavamahisasahassādīhi sampīṇayitvā
 sakavibhavasarikke issaratte ṭhapesi
- 12 Samarabhuvi vinaṭṭhe Khīradhāre narinde
 Malayavanam upetā bhāgineyyā kumārā
 pabalam atimahantaṃ saṃharitvā balaggaṃ
 upapuram upagañchum dhātuyā gaṇhaṇatthaṃ
- 13 Atha nagarasamīpe te nivesaṃ karitvā
 savanakaṭukam etaṃ sāsanaṃ pesayimsu
 sugatadasanadhātum dehi vā khippam amhaṃ
 yasasirijanaṃ vā kiḷa saṃgāmakeḷiṃ
- 14 Sapadi dharāṇipālo sāsanaṃ taṃ suṇitvā
 avadi rahasi vācam rājaputtassa tassa
 na hi sati mama dehe dhātum aññassa dassaṃ
 aham api yadi jetuṃ n'eva te sakkuṇeyyaṃ
- 15 Suranaranamitaṃ taṃ dantadhātum gahetvā
 gahitadijavilāso¹ Sīhaḷaṃ yāhi dīpaṃ
 iti vacanam udāraṃ mātulassātha sutvā
 tam avaca Guhasīvaṃ Dantanāmo kumāro
- 16 Tava ca mama ca ko vā Sīhaḷe bandhubhūto
 jinacaraṇasaroje bhattiyutto ca ko vā
 jalanidhiparatīre Sīhaḷaṃ khuddadesaṃ
 katham aham atinessaṃ dantadhātum jinassa

¹ B. here and below 21, 43 °dvija° (comp. 18).

- 17 Tam avadi Guhasīvo bhāgineyyaṃ kumāraṃ
 dasabalatanudhātū saṅghitā Sīhalasmim
 bhavabhayaḥatidakkho vattate satthu dhammo
 gaṇanapaṭṭham atītā bhikkhavo cāvasimsu
- 18 Mama ca piyasaḥāyo so Mahāsenarājā
 jinacaraṇa sarojadvandasevābhuyutto
 salilam api ca phuṭṭham dhātuyā patthayanto
 vividharatanajātam pābhatam pesayittha
- 19 Pabhavati manujindo sabbadā buddhimā so
 sugatadasanadhātum pūjitum pūjaneyyaṃ
 paricitavisayambā vippavuttham bhavantam
 vividhavibhavadānā sādhu saṅgaṇhitum ca
- 20 Nijaduhitu patim tam ittham ārādhayitvā
 narapati Guhasīvo saṅgahetvāna senam
 raṇadharaṇim upeto so kumārehi saddhim
 maraṇaparavasattam ajjhagā yujjhamāno
- 21 Atha narapatiputto Dantanāmo suṇitvā
 savaṇakatukam etam mātulassa ppavattim
 gahitadijavilāso dantadhātum gahetvā
 turitaturitabhūto so purambā palāyi¹
- 22 Sarabhasam upagantvā dakkhinam cātha desaṃ
 avicalitasabbhāvo iddhiyā devatānam
 nadim atimahatim so uttaritvāna puṇṇam
 nidahi dasanadhātum vālukārāsimaṃjhe
- 23 Puna puram upagantvā tam gahitāññavesam
 bhariyam api gahetvā āgato tattha khippaṃ
 sugatadasanadhātum vālukāthūpakucchim
 ṭhapitam upacaranto acchi gumbantarasmim
- 24 Sapadi nabhasi thero gacchamāno pan' eko
 vividhakiraṇajālam vālukārāsithūpā
 aviralitam² udentam dhātuyā tāya disvā
 paṇami sugatadhātum otarivāna tattha
- 25 Munisutam atha disvā jampatī te patitā
 nijagamanavidhānam sabbam ārocayimsu
 dasabalatanujo so dhāturakkhāniyutto
 parahitaniratatto te ubho ajjhabhāsi

¹ M. palāyi ; B. palāyī.² M. aviraṇitam.

- 26 Dasabalatanudhātum Sihaḷam netha tumhe
 aḡaṇitatanubhedā vītasārajjam etaṃ
 api ca gamanamagge jātamatte vighāte
 saratha mamam anekopaddavacchedadakkham
- 27 Iti sugatatanujo jampatiinaṃ kathetvā
 puna pi tad anurūpaṃ desayitvāna dhammaṃ
 puthutaram apanetvā sokasallaṃ ca gāḷhaṃ
 sakavasatim upetā antaḷikkhena dhīro
- 28 Bhujagabhavanavāsi ¹ ninnagāyātha tassā
 bhujagapati mahiddhī Paṇḍubhārābhiddhāno
 sakapurapavarambhā nikkhamitvā caranto
 samupagami tadā taṃ ṭhānaṃ icchāvasena
- 29 Vimalapulinathūpā so samuggacchamānaṃ
 sasiruciramarīcijjālam ² ālokayitvā
 ṭhitam atha munidhātum vālukārāsiggabbhe
 kim idam iti sakankham pekkhamāno avedi
- 30 Sapadi sabahumāno so asandissamāno
 ratanamayakaraṇḍaṃ dhātuyuttaṃ gilitvā
 vitataputhuladeho bhogamālāhi tuṅgaṃ
 kanakasikharirājaṃ veṭhayitvā sayittha
- 31 Salilanidhisamīpaṃ jampatī gantukāmā
 pulinatalagataṃ taṃ dantadhātum adisvā
 nayanasaliladhāraṃ sokaḷātaṃ kirantā
 sugatasutavaraṃ taṃ taṅkhaṇe 'nussariṃsu
- 32 Atha sugatasuto so cintitaṃ samviditvā
 agami savidham esaṃ sokadīnānanānaṃ
 asuṇi ca jinadhātum vālukārāsimaḷḷhe
 nihitam api aditṭhaṃ pūjitaṃ jampatīhi
- 33 Sayitam atha yatī so dībbacakkhuppabhāvā
 ratanagirinikuṅḷe nāgarājaṃ apassi
 vihagapatisarīraṃ māpayī taṃ muhutte ³
 vitataputhulapakken' antaḷikkhaṃ thakentaṃ
- 34 Jaladhim atigambhīraṃ taṃ dvidhā so karitvā
 pabalapavanavegen' attano pakkhajena
 sarabhasam abhidhāvaṃ bhīmasaṃrambhayogā
 abhigami bhujagindaṃ Merupāde nipannaṃ

¹ B. °bhuvana°.² B. °marīci-jālam.³ B. taṃ muhutte.

- 35 Jahitabhujagaveso taṅkhaṇe¹ so phaṇindo
 paṭibhayacakitatto saṅkhipitvāna bhoge
 sarabhasam upagantvā tassa pāde namitvā
 viṇayamadhuram itthaṃ taṃ munīsaṃ avoca
- 36 Sakalajanahitatthaṃ eva jāyanti buddhā
 bhavati janahitatthaṃ dhātumattassa pūjā
 aham api jinadhātum pūjayitvā mahagghaṃ
 kusalaphalam anappaṃ sañcinissan² ti gaṇhiṃ
- 37 Atha manujagaṇānaṃ saccabodhārahānaṃ
 vasatibhavanam esā nīyate Sīhaḷaṃ taṃ
 munivaratanudhātum tena dehīti vutto
 bhujagapati karaṇḍaṃ dhātugabbhaṃ adajji
- 38 Vihagapatitanaṃ taṃ saṃharitvāna thero
 jalacarasatabhīmā aṇṇavā uppatitvā
 sakalapaṭhavacakke rajjalakkiṃ va dhātum
 narapatitanujānaṃ jampatīnaṃ adāsi
- 39 Iti katabahukāre saṃyaminde payāte
 sugatadasanadhātum muddhanā ubbahantā
 mahati vipinadevādīhi magge payutte
 vividhamahavidhāne te tato nikkhamiṃsu
- 40 Mudusurabhisamiro kaṇṭakādivyapeto
 vimalapulinahārī āsi sabbattha maggo
 ayanam upagate te dantadhātuppabhāvā
 nigamanagaravāsī sādhu sammānayiṃsu
- 41 Kusumasurabhiṇṇākiṇṇahattāhi niccaṃ
 sakutukam anuyātā kānane devatāhi
 acalagahanaduggaṃ³ khepayitvāna maggaṃ
 agamum aturitā te paṭṭanaṃ Tāmalittiṃ
- 42 Acalapadarabaddhaṃ suṭṭhitodārakūpaṃ
 uditaputhulakāraṃ dakkhaniyyāmakam ca
 sayamabhimata-Laṅkāgāminam nāvam ete
 sapadi samuparūhaṃ addasum vāṇijehi
- 43 Atha dijavārā te Sīhaḷaṃ gantum icchaṃ
 sarabhasam upagantvā nāvikkassāvadiṃsu
 sutisukhavacasā so sādhu vuttana tesam⁴
 pamuditahadayo te nāvam āropayittha

¹ B. (here and at 31 and 52) taṃ khaṇe. ² M. sañcinissan. ³ B. M. °gahaṇa°. ⁴ M. c' esaṃ.

- 44 Jalanidhim abhirūḷhesv esu ādāya dhātum
 samabhavum upasantā lolakallolamālā
 samasurabhimanuñño uttaro vāyi vāto
 vimalarucirasobhā sabbathā 'sum disā pi
- 45 Nabhasi asitasobhe Venateyyo va nāvā
 pabalapavanavegā santataṃ dhāvamānā
 nayanavisayabhāvātītātīrācalādiṃ
 pavasi jaladhimaḷḷham phenapupphābhikiṇṇaṃ
- 46 Atha abhavi samuddo bhīmasaṃvaṭṭavātā-
 'bhihatasikharikūṭākāravācippabandho
 savaṇabbhiduraghorārāvaruddhantaḷikkho
 bhayacakitamanussakkandito sabbarattim
- 47 Udayasikharisisaṃ nūtanādiccabimbe
 upagatavati tassā rattiyā accayamhi
 salilanidhijalaṃ taṃ santakallolamālaṃ
 asitamaṇivittam koṭṭimam vāvabhāsi
- 48 Atha vitataphaṇālibhimsanā keci nāgā
 surabhikusumahatthā keci dibbattabhāvā
 ruciramaṇipadīpe keci sandhārāyantā
 nijasirasi karontā keci kaṇḍuppalāni
- 49 Phuṭakumudakalāpe jattun' eke vahantā
 kanakakalasaṃmālā ukkhipantā ca keci
 pavanacalitaketuggāhakā keci eke
 rucirakanakacunṇāpunaṇācāṅgotahatthā
- 50 Salalitaramaṇiyam¹ keci naccam karontā
 salayamadhuragītaṃ gāyamānā 'va keci
 pacuraturiyabhaṇḍe āhanantā ca² eke
 munivaratanudhātum piṇḍitaṃ utṭhahimsu
- 51 Rucirakacakalāpā rājakaṇṇāya tassā
 munivaradasanaṃ taṃ ambaram uppatitvā
 asitajaladagabbhā niggate vindulekhā
 ujurajatasalākāsannibhe muñci raṃsi
- 52 Atulitam anubhāvaṃ dhātuyā pekkhatam taṃ
 pamuditahadayānaṃ tankhaṇe pannagānaṃ
 paṭiravabharitānaṃ sādhuvaḍḍikānaṃ
 gaganam apariyantaṃ v'āsi vitthāritānaṃ

¹ B. 'laṭita'.² M. va.

- 53 Pavisi sugatadāṭhādhātu sā moligabbhaṃ¹
 puṇa gaganatalamhā otarivāna tassā
 phaṇadharanivahā te taṃ tarim vārayitvā
 maham akarum udāraṃ sattarattindivamhi
- 54 Acalam iva vimānaṃ antaḷikkhamhi nāvaṃ
 gativirahitam ambhorāsimajjhamhi disvā
 bhayavilulitacittā jampatī te samaggā
 dasabalatanujaṃ taṃ iddhimantaṃ sarīṃsu
- 55 Sapadī munisuto so cittaṃ esaṃ viditvā
 nabhasi jaladharālī maddamāno 'bhigantvā
 vihagapatisarīraṃ māpayitvā mahantaṃ
 bhayacakitabhujāṅge te palāpesi² khippaṃ
- 56 Itthaṃ buddhasute bhujāṅgajanitaṃ bhītiṃ sametvā gate
 sā nāvā pavanā pakampitadhajā tuṅgaṃ tarāṅgāvalim
 bhindantī gativegasā puthutaraṃ meghāvalīsannibhaṃ
 Lankāpaṭṭanam otarittha sahasā therassa tass' iddhiyā

CATUTTHO PARICCHEDO.

¹ B. molī°.

² M. palāpesi.

PAÑCAMO PARICCHEDO.

- 1 Saṃvaccharamhi navamamhi Mahādisena-
puttassa Kittisirimegha-narādhipassa
te jampatī tam atha paṭṭanam otarivā
devālaye paṭivasim̐su manobhirāme
- 2 Disvāna te dvijavaro pathike nisāyam
santappayittha madhurāsanapānakehi
rattikkhaye ca Anurādhapurassa maggam
jāyāpatīnam atha so abhivedayittha
- 3 Ādāya te dasanadhātuvaram̐ Jinassa
sammānitā dvijavaren' atha paṭṭanamhā
nikkhamma dūrataram maggam atikkamitvā
padvāragāmam Anurādhapurassa gañchum̐
- 4 Yam̐ dhammikam̐ naravaram̐ abhitakkayitvā
jāyāpatī visayam etam upāgamim̐su
tam vyādhinā samuditena Mahādisena-
Lankissaram̐ sucirakālakatam̐ suṇim̐su
- 5 Sokena te sikharineva samuggatena
ajjhotthaṭṭā bahutaram̐ vilapim̐su mūḷhā
khāyim̐su tesam atha mucchitamānasānam̐
sabbā disā ca vidisā ca ghanandhakārā
- 6 Sutvāna Kittisirimegha-narādhipassa
rajje ṭhitassa ratanattayamāmakattam̐
vassena nibbutamahādahanā va kacchā
te jampatī samabhavum̐ hatasokatāpā
- 7 Sutvāna Meghagiri-nāma mahāvihāre
bhikkhussa kassaci narādhipavallabhattam̐
tass' antikam̐ samupagamma katātithēyyā
dhātappavattim̐ avadim̐su ubho samecca
- 8 Sutvāna so munivaro dasanappavattim̐
haṭṭho yathāmatarasen' abhisittagatto
gehe sake sapadi paṭṭavitānakehi
vaḍḍhesi dhātum̐ amalam̐ samalaṅkatam̐hi

- 9 Tesam ca jānipatikānam ubhinnam eso
katvāna saṅgaham uḷārataram yathiccham
vuttantam etam abhivedayitum pasattham
Laṅkādhīpassa savidham pahīṇittha bhikkhum
- 10 Rājā vasantasamaye sahakāminīhi
uyyānakelisukham ekadine 'nubhonto
āgacchamānam atha tattha sudūrato va
tam vippasannamukhavaṇṇam apassi bhikkhum
- 11 So saṅnyamī samupagamma narādhipam tam
vuttantam etam abhivedayi tuṭṭhacitto
sutvāna tam paramapītibharam vabanto
sompattacakkaratano va ahosi rājā
- 12 Laṅkissaro dvijavarā jīnadantadhātum
ādāya jānipatayo ubhaye ¹ samecca
essanti Laṅkam acirena itīritam tam
nemittikassa vacanam ca tatham amaṇṇī
- 13 Rājā tato mahatīyā parisāya saddhim
tassānurādhanagarassa puruttārāya
āsāya tam sapadi Meghagirim vihāram
saddho agaṇchi padasā va pasannacitto
- 14 Divā tato sugatadhātum alabbhaneyyam
ānandajassunivāhehi ca tārahāram
siṅcam vidhāya paṇidhim bahumānapubbam
romaṅcakaṅcukadharo iti cintayittha
- 15 So 'ham anekaratanujjalamoḷidhārim
pūjeyyam ajja yadi duccejam uttamaṅgam
lokattayekasaraṇassa Tathāgatassa
no dhātuyā maham anucchavikam kareyyam
- 16 Etam pahūtāratanam sadhanam sabhoggam
sompūjayam api dharāvalayam asesam
pūjam karomi tadanucchavikam aham ti
cinteyya ko hi bhuvanesu amūlhacitto
- 17 Laṅkādhīpaccam idam appataram mam' āsi
buddho guṇehi vividhehi pamāṇasuṇṇo
so 'ham parittavibhavo tibhavekanātham
tam tādīsam dasabalam katham accayissam

¹ B. ubhayo.

- 18 Ittham punappuna tad eva vicintayanto
 āpajji so dhitiyuto pi visaññibhāvaṃ
 saṃvījito sapadi cāmaramārutena
 khinnena sevakajanena alattha saññaṃ
- 19 Thokam pi bijam athavā abhiropayantā
 medhāvino mahatiyā pi vasundharāya
 kālena pattatacapupphaphalādikāni
 vindanti patthitaphalāni anappakāni
- 20 Evaṃ guṇehi vividhehi pi appameyye
 dhammissaramhi maham appataram pi katvā
 kālaccayena pariṇānavisesarammaṃ
 saggāpavaggasukham appaṭimaṃ labhissam
- 21 Ittham vicintiya pamodabharātireka-
 sampuṇṇacandimasarikkhamukho narindo
 sabbañño dāsanadhātuvarassa tassa
 pūjesi sabbam api Sīhaḷadīpam etaṃ
- 22 Bhikkhū pi tepītakajātakabhānakādi¹
 takkāgamādikusalā api buddhimanto
 vatthuttayekasaraṇā api poravaggā
 kotūhalā sapadi sannipatimsu tattha
- 23 Rājā tato mahatiyā parisāya majjhe
 icc abravī² munivaro hi susukkadāṭho
 dāṭhā jinassa yadi osadhitarakā va
 setā bhavēyya kim ayaṃ malinā 'vabhāsā
- 24 Tasmim khāṇe dāsanadhātu munissarassa
 pakkhe pasāriya duve viya rājahaṃsī
 vitthāritamsunivahā gaganāṅganamhi
 āvaṭṭato javi javena muhuttamattaṃ
- 25 Paccaggham attharaṇakaṃ sitam attharivā
 bhaddāsanamhi vinidhāya munindadhātuṃ
 taṃ jātipupphanikarena thakesi rājā
 vassaccayambudharakūṭasamappabhena
- 26 Uggamma khippam atha dhātu munissarassa
 sā puppharāsisikharamhi patiṭṭhahitvā
 raṃsihi duddhadhavalehi virocāmānā
 sampassataṃ animise nayane akāsi

¹ B. °bhāpakādi.² M. abruvī.

- 27 Tam dhātum āsanagatamhi patitṭhapetvā
 khīrodapheṇapaṭalappaṭime dukūle
 chādesi sātakasatehi mahārahehi
 bhiyyo pi so upaparikkhitukāmatāya
- 28 Abbhuggatā sapadi vatthasatāni bhetvā
 setambudodaraviniggatacandimā va
 ṭhatvāna sā upari tesam abhāsayingittha
 raṃsīhi kundavisadehi disā samantā
- 29 Tasmim khane vasumatī saha bhūdharehi
 gajjittha sādhuvacanaṃ va samuggirantī
 taṃ abbhutaṃ viya samekkhitum amburāsi
 so niccalo abhavi santataraṃgabāhu
- 30 Mattebhakampitasupupphitasālato va
 bhassimsu dibbakusumāni pi antaḷikkhā
 naccesu cāturiyam acchariyaṃ janassa
 sandassayimsu gagane surasundarī pi
- 31 Ānandasañjanitatāravābhirāmam
 gāyimsu gītam amatāsanagāyakā pi
 muñcimsu dibbaturiyāni pi vādītāni
 gambhīram uccamadhuraṃ diguṇaṃ ninādaṃ
- 32 Saṃsibbitaṃ rajatarajjusatānukārī-¹
 dhārāsatehi vasudhambaram ambudena
 sabbā disā jaladakūṭamahagghiyesu
 dittācirajjutipadīpasatāvabhāsā
- 33 Ādhūyamāna-Malayācalakānananto
 samphullapupphajaparāgabharābhihāri
 sedodabindugaṇasamharanappaviṇo
 mandaṃ avāyi sisiro api gandhavāho
- 34 Rājā taṃ abbhutaṃ avekkhiya pāṭihīraṃ
 lokussavaṃ bahutaraṃ ca adiṭṭhapubbaṃ
 vipphāritakkhiyugalo paramappamodā
 pūjaṃ karittha mahatiṃ ratanādikehi
- 35 So dhātum attasīrasā 'tha samubbahanto
 ṭhatvā samussitasitātapavāraṇamhi
 cittatthare rathavare sitavājjiyutte
 lakkhīnidhānam Anurādhapuram pavekkhi

¹ B. anusāri.

- 36 Devindamandirasame samalaṅkatamhi
 rājā sakamhi bhavane atulānubhāvo
 sīhāsane paṭikakojavasanthatamhi
 dhātum ṭhapesi munino sasiṭātapatte
- 37 Anto va bhūmipati dhātugharam mahaggham
 katvāna tatta vinidhāya munindadhātum
 sampūjayittha vividhehi upāyanehi
 rattindivam tidivamokkhasukhābhikaṅkhī
- 38 Tesam ca jānipatikānam ubhinna eva
 tuṭṭho bahūni ratanābharaṇādikāni
 gāme ca issarakulekanivāsabhūte
 datvāna saṅgham akāsi ti-Sīhaḷindo
- 39 Saṅgama jānapadanegamaṇāgarādi
 ukkaṅṭhitā sugatadhātum apassamānā
 lokuttamassa caritāni abhitthavantā
 ugghosayimsu dharaṇipatisannidhāne
- 40 Dhammissaro nikhilalokahitāya ¹ loke
 jāyittha sabbajanatāhitam ācarittha
 vitthāritā bahujanassa hitāya dhātū
 icchāma dhātum abhipūjayitum mayam pi ²
- 41 So sannipātiya mahīpati bhikkhusaṅgham
 āramavāsīm Anurādhapuropakaṅṭhe
 ajjhāsayaṃ tam abhivedayi sathudhātu-
 pūjāya sannipatitassa mahājanassa
- 42 Thero tahiṃ mahati bhikkhugaṇe pan' eko
 medhābalena asamo karuṇādhivāso
 evaṃ ti-Sihaḷapatissa mahāmatissa
 lokatthacāraturassa nivedayittha
- 43 Yo ācareyya anujīvanassa attham
 eso have 'nucarito mahatam sabhāvo
 dhātum vasantasamaye bahi nīharitvā
 dassehi puññam abhipatthayataṃ janānaṃ
- 44 Sutvāna saṃyamivarassa subhāsītāni
 pucchittha so naravaro puna bhikkhusaṅgham
 dhātum namassitum anena mahājanena
 ṭhānaṃ kim ettha ³ ramaṇiyataram siyā ti

¹ M. sakala for nikhila.² B. mayan ti.³ B. attha.

- 45 Sabbe pi te atha nikāyanivāsibhikkhū
 ṭhānaṃ sakamaṃ sakamaṃ avaṇṇayum ādarena
 aññoññabhinnavacanesu ca tesu rāja
 nevābhinandi na paṭikkhipi kiñci vākyaṃ
- 46 Majjhataṇṇatānugatamānasatāya kintu
 rājā avoca puna bhikkhugaṇassa majjhe
 attānurūpaṃ ayaṃ eva munindadhātu
 ṭhānaṃ khaṇena sayamaṃ eva gamissatīti
- 47 Rājā tato bhavanamaṃ eva sakamaṃ upecca
 dhātuppaṇāmaṃ abhipatthayaṃ janānaṃ
 khippaṃ mukhambujavanāni vikāsayanto
 sajjetaṃ āha nagaraṃ ca vihāramaggaṃ
- 48 Sammajjitā salilasecanasantadhūli
 racchā tadā 'si pulinattharaṇābhirāmā
 ussāpitāni kanakādivicittitāni
 vyagghādirūpakhacitāni ca toraṇāni
- 49 Chāyānivāritavirocanaraṃsitāpā
 naccamaṃ va dassayati vātadhutā dhajālī
 vīthī vasantavanarājīsamānaṇṇā
 jātā sujātakadalitarumālikāhi
- 50 Saṃsūcayanti ca satamaṃ navapupphakumbhā
 saggāpavaggasukhamaṃ icchitamaṃ ijjatīti
 kappūrasāratagarāgarusambhavehi
 dhūpehi duddinaṃ atho sudinaṃ ahosi
- 51 Olambamānasitamuttikajālakāni
 sajjāpitāni vividhāni ca maṇḍapāni
 sampādītāni ca taḥiṃ kusumagghikāni
 āmodaluddhamadhupāvalikūjitāni
- 52 Gacchimsu keci gahitussavavesasobhā
 eke samuggaparipūritapupphahatthā
 aññe janā surabhicuṇṇabharaṃ vahantā
 tatthetare dhatavicittamahātapattā
- 53 Lanāissaro 'tha sasipaṇḍaravājjiyutte
 ujjotite rathavare ratanappabhāhi
 dhātuṃ tilokatilakassa paṭiṭṭhapetvā
 etaṃ avoca vacanaṃ paṇipātapubbaṃ
- 54 Sambodhiyā iva munissara bodhimaṇḍamaṃ
 gaṇḍambarukkhamaṃ iva titthiyamaddanāya

- dhammañ ca samvibhajitum Migadāyam ajja
 pūjānurūpam upagaccha sayam padesaṃ
 55 Rājā tato samucitācaraṇesu dakkho
 vissajji phussaratham aṭṭhitasārathim taṃ
 pacchā sayam mahatīyā parisāya saddhim
 pūjāvīsesam asamaṃ agamaṃ karonto
 56 Ukkuṭṭhināḍavisarena mahājanassa
 hesāravena viṣaṭena turaṅgamānaṃ
 bherīravena mahatā karigajjitena
 uddāmasāgarasamaṃ nagaraṃ ahosi
 57 Āmoditā ubhayavīthigatā kulitthī
 vātāyanehi kanakābhataṇe khipiṃsu
 sabbatthakaṃ kusumavassam avassayiṃsu
 celāni c'eva bhamayiṃsu nijuttamaṅge
 58 Pācīnagopurasamīpam upāgatamhi
 tasmim rathe jaladhipiṭṭhigate 'va pote
 tuṭṭhā taḥim yatigaṇā manujā ca sabbe
 sampūjayiṃsu vividhehi upāyanehi
 59 Katvā padakkhiṇam atho puram uttarena
 dvārena so rathavaro bahi nikkhamitvā
 ṭhāne Mahindamunidhammakathāpavitte
 aṭṭhāsi titthagamitā iva bhaṇḍanāvā
 60 Ṭhāne taḥim dasanadhātuvaraṃ jinassa
 Laṅkissaro ratanacittā karaṇḍagabbhā
 sañjhāghanā iva vidhum bahi nīharitvā
 dassesi jānapadanegamanāgarānaṃ
 61 Tasmim jane sapadi ābharaṇādivassam
 accantapītibharite abhivassayante
 sānandavandijanamaṅgalagītakehi
 sampāditesu mukharesu disāmukhesu
 62 Hatthāravindanivahesu mahājanassa
 candodaye 'va mukulattanam āgatesu
 brahmāmarādijanitāmitasādhuvāde
 tārapathamhi bhuvanodaram ottharante
 63 Sā dantadhātu sasikhaṇḍasamānavañṇā
 raṃsīhi kundanavacandanapaṇḍarehi
 pāsādagopurasiluccayapādapādim¹

¹ B. °pādi.

- niddhotarūpiyamayaṃ va akā khaṇena
 64 Tappāṭihāriyaṃ¹ acintiyam accuḷāraṃ
 disvāna ke tahim ahesuṃ ahaṭṭhalomā
 ke vā nayuṃ sakasakābharaṇāni gehaṃ
 ke vā na attapaṭilābham avaṇṇayimsu
 65 Ke no jahimsu sakadiṭṭhimalānubaddhaṃ
 ke vā na buddhamahimaṃ abhipatthayimsu
 ke nāma macchariyapāsavasā ahesuṃ
 vatthuttayaṇ ca saraṇaṃ na gamimsu ke vā
 66 Laṅkissaro pi navalakkhaparibbayena
 sabbaññudhātum atulaṃ abhipūjayitvā
 taṃ dantadhātubhavanaṃ puna vaḍḍhayitvā
 antopuramhi² paṭivāsaram accayittha
 67 Dhātum vihāram Abhayuttaram eva netvā
 pūjaṃ vidhātum anuvaccharam evarūpaṃ
 rājā 'tha Kittisirimeghasamavhayo so
 cārittalekham abhilekhai saccasandho
 68 Cārittam etam itare pi pavattayantā
 te Buddhadāsapamukhā vasudhādhināthā
 saddhādayādhikaguṇābharaṇābhirāmā
 taṃ sakkariṃsu bahudhā jinadantadhātum
 69 Satthārā sambhatatthaṃ purimatarabhava sampajānaṃ
 pajānaṃ
 sambodhiṃ tassa sabbāsavavigamakarīṃ saddahant'
 odahanto
 sotaṃ tass' aggadhamme nipunamati sātaṃ saṅgame
 saṅgam esaṃ
 nibbānaṃ santam icche tibhavabhayapariccāgahetuṃ
 gahetuṃ

PAÑCAMO PARICCHEDO.

DĀṬHĀVAMSA SAMATTO.

¹ M. Taṃ pāṭihāriyaṃ.

² M. antepuramhi.

KATTUSANDASSANAGĀTHA.

- 1 Yo Candagomiracite varasaddasatthe
ṭikaṃ pasattham akarittha ca Pañcikāya
buddhippabhāvajananiṃ ca akā Samanta-
pāsādikāya vinayaṭṭhakathāya ṭikaṃ
- 2 Aṅguttarāgamavaratṭhakathāya ṭikaṃ
sammohavibbhamavighātakariṃ akāsi
atthāya saṃyamigaṇassa padhānikassa
ganthaṃ akā Vinayaṅgaha-nāmadheyyaṃ
- 3 Santindriyassa paṭipattiparāyaṇassa
sallekhavuttiniratassa samāhitassa
appicchatādiguṇayogavibhūsanassa
sambuddhasāsanamahodayakāraṇassa
- 4 Sabbesu ācariyataṃ paramaṅgataṃ
satthesu sabbasamayantarakovidassa
sissena Sāritanujassa mahādisāmi-
pādassa tassa vimalanvayasambhavassa
- 5 Suddhanvayena karuṇādiguṇodayena
takkāgamādikusalena visāradena
sabbattha patthaṭasudhākaramsijāla-
saṅkāsakittivisarena parikkhakena
- 6 Saddhādhanena sakhilena ca Dhammakitti-
nāmena rājagurunācariyena eso
sotuppasādanano Jinadantadhātu-
vaṃ-so kato nikhiladassipabhāvādīpo
- 7 Dhammo pavattatu cirāya munissarassa
dhamme ṭhitā vasumatīpatayo bhavantu
kāle pavassatu ghano nikhilā pajā pi
aññoñnamettipaṭilābhasukhaṃ labhantu

THE END.